

# O MACHHARESKORO CHHAVO

Isine ekh ribaris, sar mande, phuro. Dobre, ama lesko dat isi ..., isi les ekh chhavo. Sa si ko mori beshela. Kinela peske habore, tsigarya. Lesko raklo barilo.

Hay shundilo, chi kon zhanla, ahalyol o thagareske raklyako nishani, savo si, ka achhyol leske zhamutro. Le, ama o raklo zhala pe dadeste, astarela ekhe machhe.

– Dade, an te biknav les me akana, be! Akana pa me ka biknav.

– Le, mochho! Le les!

Lela machhes, zhala ko pazari.

– Riba! A, riba!

Kute phirla, kate phirla, nikade nashti te biknel la. Hay nakhel ko thagareske palatya.

– A, riba! A, riba!

Nakhla i dikhela i rakli, ekh izmekyarka.

– Yala, be! Yala! Kolko pari e taya riba?

– Bez pari!

– Oti?

– Vdigni si badzhaka do tuka, da ti ya dam!

O izmekyarka phela peske: „Ey! Kava sao keleshi, ama ka has machho!“

– De, ba! De, ba!

Diyas i machhes. Vazindela pi chang, phucharla pi chang te tikhel. Ov lela, zhala pash pe dadeste.

– So kerdan, be?

– A be, dade! – phela – Bikindyam, ama phenda mange tasya ka den amare lovyo.

Pala zhala, pala astarela ekhe bare machhes. Pala zhala.

– Ay, riba! Ay, riba!

Inklyona duy zhuvlya.

– Kolko pari, be?

– Nema pari! Do tuka badzhaka i sha vi ya dam!

E raklya dena e chhanga te dikhel.

– So kerden, mo chho? O machho bikindyan? Tsigares isi li? Maro?